

## YSGOL MAELOR POLISI DERBYN

Mae'r ysgol yn cydymffurfio â Deddf Addysg 2009 sy'n rhoi blaenoriaeth i dderbyn Plant Sy'n Derbyn Gofal.

Os yw nifer ceisiadau am dderbyn plant yn fwy nag ein nifer safonol o 130, mae'r llywodraethwyr wedi cytuno y dylid rhoi'r meini prawf canlynol ar waith, yn y drefn y maent yn ymddangos:-

### **Meini Prawf Gormod o Geisiadau:**

1. "Plant Sy'n Derbyn Gofal" a "Phlant wedi derbyn gofal yn y gorffennol"
2. Presenoldeb yn yr ysgolion cynradd sy'n bwydo Ysgol Maelor: Ysgol Sant Dunawd - Bangor-Is-y-Coed, Ysgol Gynradd Gymorthedig Bronington - Bronington, Ysgol Gynradd Wirfoddol Reoledig Eyton – Eyton, Ysgol Gynradd Wirfoddol Gymorthedig Sant Chad – Hanmer, Ysgol Gynradd Wirfoddol Gymorthedig Sant Paul – Is-coed, Ysgol Gynradd Gymorthedig yr Eglwys yng Nghymru Madras – Llannerch Banna, Ysgol Gynradd Sirol Deiniol – Marchwial, Ysgol Gymorthedig y Santes Fair – Owrtyn ac Ysgol Gynradd Wirfoddol Reoledig Borderbrook –Tallarn Green.
3. Brodyr a chwiorydd disgyblion sydd eisoes yn mynychu rhan 11-16 yr ysgol. [Bydd brodyr a chwiorydd, p'un ai ydyn nhw'n llawn, hanner, llys neu faeth yn cael eu hystyried yn berthnasol pan maent yn byw gyda'i gilydd yn yr un cyfeiriad a'r un tŷ teuluol lle bydd y plentyn hynaf yn dal wedi'i gofrestru yn yr ysgol pan fyddai'r plentyn ieuengaf yn gymwys i'w mynychu. Ni fydd plant sy'n byw yn yr un tŷ fel rhan o 'deulu estynedig' fel cefndryd a chyfnitherod yn cael eu trin fel brodyr a chwiorydd. Bydd y brodyr neu'r chwiorydd ym mlwyddyn 8-11 pan fydd y plentyn iau yn cychwyn].
4. Agosrwydd - rhoddir blaenoriaeth i'r pellter byrraf. [Caiff pellteroedd eu mesur yn ôl y llwybr cerdded byrraf sydd ar gael o'r cartref i'r ysgol, a allai gynnwys llwybrau cyhoeddus. Y llwybr byrraf sydd ar gael yw'r un sy'n cael ei ystyried yn ddiogel i blentyn heb anabledd neu anhawster dysgu i gerdded ar ei hyd ar ben ei hun, neu gyda hebryngwr pe byddai oed y plentyn yn galw am hynny yn unol â 'Chanllaw Gweithredol a Darpariaeth Statudol Teithio gan Ddysgwyr' - Llywodraeth Cymru.

Os bydd mwy o geisiadau na nifer y lleoedd sydd ar gael ym meini prawf 2 a 3, bydd y pellter a amlinellir ym maen prawf 4 yn cael ei ddefnyddio i benderfynu.

### **Gwrthod Lle:**

Os ydych yn cael eich gwrthod ar ôl i'r ysgol roi'r meini prawf derbyn uchod ar waith, mae gennych hawl i apelio i banel apelio annibynnol. I wneud hyn, dylai Rhiant/Gwarchodwr wneud cais ysgrifenedig am apêl i 'Glerc y Panel Apelio' yng nghyfeiriad yr ysgol.

### **Meini Prawf Derbyn Plant o Enedigaethau Lluosog:**

Pan fo'r Corff Llywodraethu'n ystyried gefeilliaid, tripledi neu enedigaethau lluosog eraill pan fo un lle ar ôl, bydd y teulu'n cael cynnig y lle a gallent ddewis (a) ei dderbyn ar gyfer un plentyn, pwy bynnag y maen nhw'n ei ddewis, neu (b) wrthod y lle a bydd yn cael ei gynnig i'r unigolyn nesaf yn y drefn ar ôl y gefeilliaid/tripledi/genedigaethau lluosog. Noder na fyddai brodyr a chwiorydd genedigaethau lluosog yn cael eu blaenoriaethu i gael eu derbyn ac eithrio fel cysylltiad teuluol unwaith y byddai'r teulu wedi derbyn y lle(oedd) a gynigwyd i un o'r efeilliaid/triawd/genedigaethau lluosog.

### **Rhestr Aros:**

Bydd Ysgol Maelor yn cadw rhestr aros yn dilyn cynnig lleoedd yn ystod y cylch derbyn arferol. Bydd y rhestr aros yn ei lle tan 30 Medi yn y flwyddyn ysgol y gwneir y cais ynddi. Ar gyfer ceisiadau trosglwyddo yng nghanol y cyfnod yn yr ysgol, bydd Ysgol Maelor yn cadw'r cais ar restr aros ar gyfer y flwyddyn academaidd y gwneir y cais ynddi.

Ar ôl hynny, dylai rhieni wneud cais derbyn newydd. Os daw lleoedd ychwanegol ar gael tra bo'r rhestr aros mewn grym, byddent yn cael eu cynnig i blant sydd ar y rhestr aros ar sail y meini prawf pan fo gormod o geisiadau ac nid ar sail dyddiad y cais. Os daw lleoedd ar gael cyn y gwrandawriad apeliadau, byddent yn cael eu llenwi o'r rhestr aros.

### **Ceisiadau Hwyr:**

Bydd ceisiadau a dderbynnir ar ôl y dyddiad cau sydd wedi'i gyhoeddi'n cael eu trin fel ceisiadau hwyr. Bydd ceisiadau hwyr yn cael eu hystyried gan ddefnyddio'r un meini prawf a gyhoeddwyd. Fodd bynnag, os oes gormod o geisiadau i nifer y lleoedd sydd ar gael, yna bydd ceisiadau hwyr yn cael eu hystyried ar ôl y ceisiadau hynny a dderbyniwyd erbyn y dyddiad cau.

### **Ceisiadau y tu allan i'r cylch derbyn arferol:**

Bydd yr ysgol yn rhoi'r polisi derbyn ar waith ar gyfer pob cais a dderbynnir ar ôl y cylch derbyn arferol neu ar gyfer grwpiau blynyddoedd eraill (symud yng nghanol y

cyfnod yn yr ysgol) gan ddefnyddio'r meini prawf a'r trefniadau uchod.

### **SUT I WNEUD CAIS AM LE**

Bydd angen i chi gwblhau Pecyn Derbyn Wreccsam sydd ar gael i'w lawr lwytho o wefan Awdurdod Wreccsam [Gwefan Cyngor Wreccsam](#) gan ddilyn y dolenni i Addysg a Dysgu, yna Derbyniadau Ysgol. Dylid dychwelyd y ffurflen gais i'r Awdurdod Lleol erbyn y dyddiad blynyddol sydd wedi'i gyhoeddi (os yw eich plentyn yn mynychu ysgol gynradd Wreccsam, byddwch yn cael y wybodaeth hon ar ddechrau tymor yr Hydref). Mae'n haws os gallwch gwblhau'r cais gan ddefnyddio ffurflen gais ar-lein yr Awdurdod Lleol.

**Bydd angen i chi hefyd gwblhau ffurflen gais Ysgol Maelor (o fewn y pecyn hwn) a'i dychwelyd i Ysgol Maelor erbyn 8 Tachwedd 2019.**

**Cyfnod dyrannu Ysgol Maelor ydi 11 Tachwedd 2019 tan 10 Ionawr 2020.**

**Sicrhewch eich bod yn dychwelyd y ddwy ffurflen gais.** Os byddwch chi'n llwyddiannus yn cael lle yn Ysgol Maelor, cewch wybod erbyn 2 Mawrth 2020.